

1538 cum Canali sermones, Peloponnesi urbes Cassinum præfectum iussit invadere; Abeneobarbum prædabundum totum Aegæum percurrere; insulas vastare, occupare, diripere; ingentem mortalium numerum miserrima captivitate affectum in pecudum morem catenis, & compedibus vinctos pertrahi Byzantium imperavit. Id vero agunt, id moliantur, ut vos a Principum Christianorum societate abstractos facilius adoriri possint, atque tutius vincere, cum nihil æque ac fœdus reformident, quo uno frangi illorum potentiam, comminutum iri vires perborrescant. Singulos aggredi separatim minime verentur, cum terra, marique præpotentes sint; ex conjunctis Christianorum Principum viribus certum sibi exitium impendere arbitrantur. Inde toties repetita pacis mentio; hinc ad legatum adhortationes; hinc Janesinus Venetias missus, ut vos pacis nomine alliciant, a ceterisque avulsos facilius labefactare, & opprimere queant. Has artes summo cum Reipublicæ damno majores nostri experti fuere, dum testæ doli, ac simulata concordie specie a Mehemete decepti, Eubœam amisere. Ne idem nobis contingat, summo studio providendum est; ne fucata ista, atque adumbrata pax transversos agat, & a certis incolumitatis, ac libertatis præsidiis abducat. Nam, fœdere omisso, de duobus alterum pertimescendum videtur, aut eo gravius bellum, quod arma, ac ferrum barbara gens in nos tantum sæva manu stringet, solique impares ad illorum impetus excipientes, & sustinendos erimus; aut summa cum ignominia, ac detrimento pax: miserum illud, atque acerbum; hoc vero indecorum, ac vix ingenuis viris ferendum. At, prob Deus immortalis! quæ pax? quo non bello tetrrior, ac miserabilior? ex qua fructus quolibet bello acerbiores lataturi sumus: pax, inquam, precaria, quæ non sacramenti religione, non æquo virium pondere nitatur; sed tota ex barbaræ gentis voluntate pendeat, quæ intestino in cunctos christiana religione imbutos homines odio exardescit; illorum strages, exitium, ac funus parat, & meditat; quæ victoria ex uno ad alterum invadendum iter sibi munit, cunctorum imperii, atque opum inextinguibili siti corripitur. An ea pax dici potest, cui belli assiduus metus comes est? an qua sensim veluti tabe publicæ opes exbauviuntur? dum classem triremium numero, ac robore instru-

Nam